



UNIVERSITÄTS-
BIBLIOTHEK
PADERBORN

Universitätsbibliothek Paderborn

Frucht deß Kriegs welcher wider Gott geführt wird/ oder Peynliche Würckungen der Todt-Sünd

Schwertfer, Wenzel

Jngolstatt, 1661

§. XI. Das achte Mittel ist/ daß man öffters die heylige Sacrament der
Beicht vnd Communion brauche.

[urn:nbn:de:hbz:466:1-46282](https://nbn-resolving.org/urn:nbn:de:hbz:466:1-46282)

Das achte Mittel ist / daß man
öffters die heylige Sacrament
der Beicht vnd Commu-
nion brauche.

Das sich der Sünder ernstlich bes-
sere / kan nit süglicher geschehen /
als wann er oft zur Reu vnd Layd /
dann auch zu einem steiffen Vorsatz nit
mehr zusündigen angehalten wirdt.
Wann er öffter einen buesfertigen Zä-
her vergiebt / wirdt er endlich sein sta-
neres Herz erwaichen. Wer vil Kote
an sich hat / der wascht sich oft / vnd
wann man oft reibt / so gehen endtlich
die Fleck auß. Es wirdt so gar der harte
Marntstein schön glatt / wann er lang
vnd vil geriben wirdt. Die böse Ber-
gerligkeit kan nimmermehr recht ein-
wurden / wann sie stets außgerupffe
wirdt. Disem nach ist gar dorträglich /
daß nach verrichter Beicht der Sün-

der zu öfterer Beicht angehalten werde. Die Geistliche/ vnd andere gottsförchtige Catholische Christen finden allerding das krefftigste Mittel/ sich in der Andacht zuerhalten / daß sie offte beichten vnd communicieren / massen dann der Sünd kein grösserer Abbruch geschicht / vnd auch der Tugendt kein besserer Vorschub gegeben wirdt / als wan man sich zu disen H. Sacramenten der gebühr nach beraitch; zumahlen nothwendig ist (wann man anderst dise heilige Sacrament nit vnwürdig empfangen wil) daß man die Sünd berewe/ vnd vnderwerffe. Je öfter nun dieses geschicht / je mehr vnd grösserer Abbruch geschicht der Sünd. Neben dem / wirdt auß gemainer Lehr der heiligen Väter/ vnd Lehreren der Wensch durch die heilige Sacrament gesterckt / daß er den bösen Anmuetungen desto kräftiger widerstehen kan.